

23 OCT 1998

BELANJAWAN-DUTI EKSAIS/I

DUTI EKSAIS KE ATAS BARANGAN TERPILIH AKAN DIMANSUHKAN

KUALA LUMPUR, 23 Okt (Bernama) -- Duti eksais ke atas beberapa barangan terpilih, termasuk alat pendingin udara, peti sejuk dan televisyen buatan tempatan akan dimansuhkan mulai hari ini, kata Perdana Menteri Datuk Seri Dr Mahathir Mohamad.

Ini adalah bagi membolehkan pekilang-pekilang tempatan yang mengeluarkan barangan-barangan ini bersaing dengan pekilang-pekilang dari negara-negara Asean yang lain apabila Kawasan Perdagangan Bebas Asean (AFTA) dilaksanakan, jelas beliau semasa membentangkan cadangan Belanjawan 1999 di Dewan Rakyat di sini.

"Sejajar dengan pelaksanaan AFTA dan Tarif Keutamaan Berkesan Sama Rata (CEPT), adalah dicadangkan supaya duti eksais ke atas barangan-barangan ini dimansuhkan berkuatkuasa mulai Hari Belanjawan," cadang Dr Mahathir, yang juga adalah Menteri Kewangan Pertama.

Menurut beliau mesin pendingin udara adalah yang terdiri daripada kipas kuasa motor dan unsur-unsur bagi mengubah suhu dan kelembapan.

Barangan ini, katanya, tergolong di bawah kod tarif 84.15.

Dr Mahathir berkata duti eksais ke atas peti sejuk, peti sejuk beku dan kelengkapan-kelengkapan penyejukan dan pembekuan lain sama berkuasa elektrik atau lain, pam haba selain mesin pendingin udara di bawah kod tarif 84.15.

Bagi televisyen, ia termasuk radas penerimaan bagi televisyen, yang merangkumi atau tidak merangkumi alat penerimaan siaran radio atau suara atau rakaman video atau radas penerbitan semula, pengesan video dan projektor video.

-- BERNAMA

AA KY MA